

T8717/8244(5)

四



CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

JUL 22 1960

畿甸攷經國雄略卷之三

哈佛大學漢和  
圖書館珍藏印

溫陵 鄭大郁孟周 編訂

潭陽 王登丹量百 參閱

畿甸攷

愚按張良謂關中用武之地阻三面而守一面東

制諸侯今

燕都亦用武之地阻三面而以一面制天下之大較

關中西有巴蜀之饒南據商鄧之險而燕京實過



之矣。曷言之。關中被山帶河。此則被太行而帶大  
海。漢都咸陽。去朔方千餘里。唐都長安。西去吐蕃  
界亦幾千里。我

成祖都燕。而以真保河間等府州隸之。北抵居庸。名關

東北則古北口。西南則紫荆關。近者百里。遠者亦  
不過三百里。居庸吾背而紫荆吾吭也。雖然。據于  
關中者。扼天下之吭而拊其背者也。我

燕京隣近北狄。尤當明其扼吭拊背之防。是在當  
事者所當加之意焉。

### 北直隸

愚謂天地間之形勢。大抵無如燕京。其次則  
關中。雒陽。四高受敵。非用武之地。然視汴。猶  
為上游焉。若金陵。則僻在東南。尤難以控禦。  
西北。丘氏謂長安在。州之域。雒汴皆在豫  
州之域。燕京在虞。世則幽州之域。在禹貢則冀  
州之域也。黃帝都幽州之涿鹿。堯舜都冀州之  
平陽。蒲阪。皆與燕京相近。又朱晦翁謂冀州  
山脉從雲中發來。大河繞其南。華山環其右。  
前則三索重圍。後則九河歸宿。金元嘗都於  
此。至國初。置北平道。及太宗靖難。北巡  
始命阮安營都之。因  
改北平曰北直隸云。



順天賦役並繁禁場莊田星羅綦布事務掣肘而養馬之患則諸縣同焉

河間真定保定路極衝繁軍屯達塢交錯其間故人性獷得難馴且每防守三關更為勞費安東霸州武清土曠人稀奸宄伏匿頗基腹心之患迤山一帶則樵採耕牧之利居多奸人每竄其中有司病之蓋賦繁民困戶口流亾雖畿甸同風而順天馬政與河間水潦之患尤烈焉

三輔志

順德俗淳訟簡大名廣平地僻土饒賦稅易辦長民者持廉敦儉加意撫綏可不勞而治矣

廣平以南四方水陸畢會於臨清轉漕京師輻輳而進若天津又海運通衢也今惟蘇州是達永平逼近邊陲屢遭虜患

真定以北至於永平關口不下百十而居庸紫荆山

海

俱關名

喜峰古北黃花鎮

俱鎮城堡

在順天東北險阨尤

著故薊州保定重兵屯馬山後諸州自宣府東南至



遼陽皆大寧都司故地自北平棄以與虜三衛不可  
復制居庸之外所恃爲藩籬者宣府耳。畿甸志

大抵北方邊塞風沙千里五穀不熟惟產黍麥其餘  
郡邑都鄙可耕之地連雲四望經年拋荒不種衣食  
無所從出民每流離賦役逋負故北方大政民食爲  
尤急矣。順天府志

北京古幽冀域滄海遶其東太行峙其西後枕居庸  
前襟河濟饒穀馬魚鹽果窳之利順天 皇居東南

轉漕秦晉入衛形勝甲天下莊田禁廠如碁布焉永  
平東連遼左虜頻入寇真定保定地接宣大軍屯交  
錯廣順大名爲秦晉河雒襟喉舟車並集俗淳土饒  
河間雖有水患而諸淀通流谷在北人昧水利壅遏  
不使入淀故汎决耳薊鎮自棄三衛宣遼隔絕屬夷  
內訌爲虜嚮導門庭肘腋秦此虺蛇兵餉歲額百五  
十萬度支苦不給省費當去冗官而戎師藉口庚戌  
往事夫庚戌後官額可覆案也自戚繼光門多食客




欲盡官之員少不能遍漸次添設或一路而中析或數官而一屯十羊九牧膏脂耗盡况一官親隨必占數伍汰此爛羊費省不貲矣而賞重冒并宜嚴核勿示虜輕軍營困弊更僕難數議者謂主兵耗於役占客兵疲於往來民兵溺於偷媮班兵徂於故習又謂議增不如議修議修不如議練直其然乎

宣鎮衛京師肩背許靈寶九邊圖論稱山川紛糾地險易守亦不盡然如董道橫嶺之犯浮圖紫荆之潰虜衆通行無險可據故出塞遠候料敵預防控扼南山郊圻庶無警耳大抵河北牧馬役重應役如充鬼薪皇莊日多民乏耕地涿易區夷皆民浸也而談水利者類畫餽潮河要衝急水走沙城塹難立秋風鳴鏑能無戒心募府近神京法密而耳目衆舉動掣肘未雨綢繆是在秉國成者故知理財足國是當今第一急着然而開源節流之說幾如塗羹塵飯矣惜夫



北直隸圖



經緯

卷

五


觀

後

北直隸

三





北直隸屬府管轄

北直隸領府八屬州一十七縣一百一十五直

隸州二屬縣一總為里二千二百有零戶四十

一萬八千七百八十九口三百四十一萬三千

二百五十四夏秋二稅迺年共米麥六十萬一

千一百五十二石絹四萬五千一百三十五疋

綿花一十萬三千七百四十八斤鈔九貫馬草

八百七十三萬七千二百八十四束



長蘆鹽運司額辦大引折小引鹽一千八萬八百零七引。

鹽運司一。在滄州。領鹽課司二十四。清州十二 滄州十二

親軍衛三十九。屬所二百五十守禦千戶所一。

在京屬府衛二十八。屬所二百零三守禦千戶所二。

萬全都司領衛十五。屬所七十有六守禦千戶所一。

太寧都司領衛十。屬所五十有四守禦千戶所一。

在外直隸衛三十九。屬所一百二十二守禦千戶所九。

京營見操并外衛馬步官軍共一十一萬七千三百

餘員名。巡捕官軍五千六百餘員名。

薊州及保定宣府三鎮馬步官軍共十萬五千八百

餘員名。

太僕寺所屬順天等府寄養馬三萬四千八百餘匹。

北直隸及河南山東三省備用馬共一萬七千五百

餘匹。

欽差總督薊遼都御史一。駐劄薊州。



欽差巡撫都御史三

順天一駐劄宣府一駐劄保安一駐劄

欽差巡按監察御史十一

隆慶一 提學一 印馬一 巡倉一

巡鹽一 刷卷一 京營一 屯田一

順天一 真定一 山海一

順天巡按轄順天保定河間永平等府真定巡按轄

真定順德廣平大名等府

### 順天府

領州五縣二十二廣陽燕山幽州上谷漁陽郡燕國范陽燕京大都路秋米一萬四千有零水呈至南京三千四百四十里形勝山雄水環風俗多感慨多豪傑城冀州星尾箕分野幽

大興折津薊縣錢糧宛平幽都良鄉固節中

冲煩二東安安次東安州民貧固安方城固安州煩

香河武清權鹽院貧永清昌益通津武隆多

通州



領縣四。潞縣。漁陽郡。民貧頗冲。煩州。三十  
二里。軍多民少。秋米三千二百石有零。

三河

臨洺地。民貧冲。  
煩三十六里。

寶坻

泉州。盈州。鹽倉。新倉。  
僻煩鎮三十二里。

武清

雍奴。貧煩。  
裁二十里。

灤縣

灤陰縣。灤州。泉州。灤  
冲。疲陰鎮一十五里。

昌平州

領縣三。軍都。燕平。二十  
七里。秋米六千七百零。

順義

范陽。順州。燕州。歸德。歸化。順昌軍。歸寧軍。  
歸化軍。昌平。燕平軍。都上下二十七里。

密雲

玄州。橫山。白檀。檀州。煩。  
冲。武威軍。安州。十九里。

懷柔

歸化。温陽。石城。簡。  
下上一十四里。

涿州

領縣一。永泰軍。涿水郡。范陽。涿郡。涿鹿。上益  
郡。涿邑。冲四十六里。秋米三千一百三十四

石  
零。

房山

奉先。方寧。僻簡。  
裁一十六里。

霸州

領縣三。永清。益津關。信安軍。三  
十一里。秋米一千五百石零。

文安

豐利。全上。  
四十四里。

大城

東平。舒章。武國。章  
武同郡二十三里。

保定

涿州。新  
鎮。平戎。

軍保定軍  
裁僻六里

薊州



領縣四。漁陽。玄州。尚武軍。康州軍。  
二十六里秋米二千五百石零。

玉田

無終國無終縣。經州一十六里。遵化。景州清武軍。涿州郡。應北平馬監。鉄冶二十三里。

豐潤

永濟。婆玉田盜。平谷。大王鎮。漁陽。僻簡。裁二十二里。裁丁少一十三里。

永平府

領州一。縣五。孤竹。北平。盧龍。平州。南京。興平。軍。秋米四萬五千石。水呈至京師五百五十里。至南京三千九百九十五里。域冀。星尾分野。營。形勝負。山帶河。四塞險固。風俗習戎馬。先孝。義。

盧龍

肥如。新昌。平州。盧龍郡。遷安。令支。安喜。定州。昌。冲凡中上一十一里。裁簡二十二里。

黎。遼西郡。營州。廣寧。海山二十六里。

撫寧。駟城。新安。昌黎。裁冲一十七里。

灤州

領縣一。孤竹國。石城。海陽。軍民全住。六十七里。

樂亭。盧龍。易城。濱州。近海二十七里。

真定府

領州五。縣二十七。恒山郡。真定國。恒州。鎮州。成德。武順。順德。軍。秋米一十一萬七千一百石。水呈至京師六百三十里。至南京二千一百里。域冀。星。昂。畢。分野。并。趙。各恒山。形勝。臨滹水。倚恒山。左瀛海。右大行。風俗。習文武。尚禮義。



真定 真定路東垣邑鎮州恒山 井陘 井州威州井陘 天威郡全上一

十三 樂城 開縣栾氏裁 無極 母極裁一 平山 蒲邑獄 州蒲吾

房山全前 獲鹿 鹿泉西寧州鎮寧州 元氏 趙公子元 封邑常山

郡中上一 靈壽 中山國蒲吾燕 阜平 行唐北鎮全 藁

十七里 高城廉州鉅鹿郡藁 平永安州全十三里

定州

領縣四中山郡博陵郡定武軍中山府中 山國晉墓容垂都義武軍裁冲三十四里

新樂 新市裁地驪 行唐 南行唐玉城彰乃中上 曲陽 冲一十一里 武泫州永昌二十二里

上曲陽恒州乃中 南宮 三十里 上二十五里

冀州

領縣三信都廣州安平國魏州長 樂東阻信都國武安軍一十七里

棗強 廣州廣州裁中 新河 堂陽南宮裁下 武邑 武邑 郡裁 中二十七里 下十二里

中下二 十三里

晋州

領縣三下曲陽晋 城鼓城一十九里

安平 博陵深州南平 武强 武遂東武州裁 饒陽 深州 州一十二里 下下十四里 同前



凡一十七里  
趙州  
領縣六郡鄆鉅鹿趙郡梁州慶源軍趙國  
軍趙國慶源府沃州二十里中上  
臨城  
房子趙國中  
隆平  
廣阿象城臨

趙州

領縣六郡鄆鉅鹿趙郡梁州慶源軍趙國

柏鄉 鄆縣 柏鄉 臨城 房子趙國中 隆平 廣阿象城臨

下 一 十 贊皇 高邑 贊皇 鎮下 高邑 鄆邑 冀州 慶 寧 晉

楊氏慶陶慶逕 中 七 二十里

深州

領縣一 下 博 靜安 中 中 一 十七里

衡水 桃縣 信都 武邑 下 下 七 里

保定府

領州三 縣十七 上谷 清苑 鉅鹿 源郡 泰州 保 塞軍 保州 秋米六萬一千石 零水呈至京師 三百五十里 形勝重三閘 控幽薊 風俗質朴 勁勇畧 尚浮華 事耕織 疆域冀 星尾箕 昂畢 分野 趙

清苑 永寧軍 樊輿樂鄉 滿城 北平 永樂 秦州 慶都 望 保塞軍 二十四里 樂浪郡 二十里

北平 裁凡 安肅 宥載鎮 徐州 安肅州 遂城 安肅軍 梁 二十里 問口 靜戎軍 裁路 冲煩 一十六里

完縣 狗忠北平軍 北平 燕 容城 全忠 范陽 裁僻 蠡縣 平 永平 一十八里 下 下 一十六里

北直隸



博野 永寧軍 蠡州 新城 新泰州北 新城 定興 范陽冲  
寧州二十七里 中難三十六里 煩難治

雄縣 鄭縣北 義州 永定軍 瓦橋 易 唐縣 鮮虞安  
一里 城歸義 雄州 歸信十六里 喜中山

博陵 二 博野 蠡吾 博陵 僻簡  
十二里 刀全二十一里

### 祈州

領縣二 安國 義豐 立節 蒲  
陰 蒲陰 郡 裁 僻 二十四里

深澤 鼓城 束鹿 同 束鹿 郡縣 安國 安定 鹿城  
上一十一里 僻豐 深澤 一十七里

### 安州

領縣二 武興 唐興 渥城  
順安 郡 高陽 十四里

高陽 滹州 高陽 郡 裁 新安 容城 安州 新安 鎮  
水一十四里 同渥城 一十七里

### 易州

上谷 涿郡 高陽 軍 安易  
昌黎 遂武 郡 三十八里

涿水 道縣 故安 永城  
永陽 二十五里

### 河間府

領州二 縣一十六 河間 國 瀛州 瀛海 軍 唐叔  
封邑 周 鄉 侯 國 秋 米 六 萬 五 千 一 十 石 水 呈  
至京一百四十里 疆域 冀 星 箕 尾 分 野 趙 燕  
齊 形 勝 會 九 河 五 壘 瀕 滄 海 麓 太 行 風 俗 務  
農 桑 肖 淳 朴



**河間** 武垣瀛州周鄉 侯國二十七里 **獻縣** 樂城樂陵樂壽獻川 壽州廣成二十七里 **清縣**

盧臺軍地寧州乾寧軍永安清州乾寧 縣清寧府會川裁僻路中一十七里 **肅寧** 河間縣 平虜寨

南寧城中 **興濟** 范陽鎮會川裁 路中疲一十里 **阜城** 漢阜東光冲煩 差多二十六里

**任丘** 任丘城河間鄭縣 高陽二十三里 **靜海** 清州鍋口寨會川 靜海一十九里 **交河**

中山樂壽丁多 煩中一十五里 **寧津** 保安鎮地僻難治 十差勻一十五里

**景州**

領縣三。渤海郡會川東光定遠軍永靜軍景 城軍侯國弓高脩縣好訟難治一十八里秋 米四千四百一十石。

**吳橋** 將陵地裁僻簡 易一十五里 **故城** 歷亭地上故 城鎮八里 **東光** 永靜軍 渤海郡

觀州中 上九里

**滄州**

領縣三。清池渤海景城順化義昌橫海 長蘆渤海秋米四千六百零二十八里

**南皮** 渤海駙裁賦 重僻易九里 **慶雲** 陽信無隸樂陵保順軍裁 賦重簡易治一十一里 **鹽**

**山** 無隸高城浮水東監 州中下二十七里

**順德府**

領縣九。鉅鹿襄國邢州保義安國二軍信德 府秋米四萬二千一十石水呈至京師一千



里至南京一千七百一十里疆域冀星昴分野趙形勝鎮太行紫漳水冲風俗稼穡淳厚京師要地人性强悍素號難治郡多山水難治郡多山水頗為民害

**邢臺** 信都襄國龍沙河 温州裁冲煩地 鉅鹿 南蠻栢仁起州

一十 南河 南和和州沙河 唐山 栢仁堯山東龍州内

四里 慶陶封川鉅鹿裁 内丘 中丘趙安栢仁全 廣宗

平鄉 簡中中一十三里 任縣 張縣地清苑南和苑一

**廣平府**

領縣九武安平于國維州廣平秋米五萬九千一十石水呈至京師一千里至南京一千

六百七十五里疆域冀星昴分野晉趙形勝北通燕涿南有鄭衛萬山盤礴泉流环匯風俗勤稼穡多畜牧

俗勤稼穡多畜牧

永平 曲陽廣平民貧 曲周 曲安平思煩難 成安 斥丘

軍民雜刀煩 肥鄉 蒲縣臨漳清漳邺 威縣 斥漳洛水

二十里 廣平僻民奸難 清河 厝縣信城其陵永清具

十 鷄澤 治一十一里 邺鄆 邺鄆郡冲煩

**大名府**

領州一縣十都尉陽平魏州武陽冀州天雄軍東京興唐秋米一十四萬八千有零水呈



至南京四千四百四十里。疆域冀充。星室壁。分野魏衛。形勝南鴻溝。東淮潁。西長城北河。外。風俗。近梁。魯崇禮讓。

**元城** 沙鹿地。貴鄉古殷。城與唐三十八里。大名。元城貴鄉地。魏州廣內。

**黃** 臨漳會干柯地。稅重民貧三十四里。南樂。樂昌昌樂郡繁。水四十二里。滑縣。黎陽。

濬州通利軍通州。魏縣。洹水漳陰魏武侯別。郡中中四十八里。清豐。頓。

平川軍五十五里。德清軍僻淳。東明。河迫屯多有。滑縣。古涿常氏城。交。

四十二里。昌郡濮陽義成武成。宣義軍八十九里。開州。州杞州滑州靈。

領縣一。東郡魏郡。澶淵。頓丘。澶州。澶水。開德。武陽。鎮寧。一百二十二里。秋米二萬一千石。

有零。

**長垣** 匡色匡城長。固七十八里。

**延慶州**

領縣一。廣寧。媽川。儒州。龍慶。一十四里。秋米四千六百石零。水呈至京師一百八十里。至南京三千六百二十五里。疆域冀。星尾。分野形勝。南梔居庸北距龍門。風俗近朴。

**永寧** 縉山。五里。

**保安州**



武安、德興、永興、涿鹿、威塞、奉  
聖、七里、秋米一千八百石零。

### 燕京形勝

愚按自古帝王天臨萬寓，規宅中圖，大之謨則首擇神臯，建天闕於以控海內，而制華夷矣。彼其包六合以裁基，顧四陲以決策，峻壁嚴閤，勢環襟帶，猛雲謀雨，計愔提封，卽皇路清夷，象鞮重譯，而當夫帝輦所居，莫不及屏籓之鞏固，豫戶曠之網繆，內之必有廣農積穀之資，外之必有阻水依山之便，蓋欲強榦弱枝，計固不可以不周也。

謹按乾象列宿，胥拱于辰，而恒山適當其地，故成祖起於幽燕，勒擒胡而空老上之庭，則陟崆峒而靖九域，五帝將軒轅而再見也。



夫其北枕大漠。前襟漕河。川歸轂走。開三百而來。八表之梯航。掃穴犁庭。絡九邊以褫氍毹之膽。梟團營之重兵。內宿宣大之雄鎮。外羅蓋天啟此盛府。雄都以翼我成祖之英猷。偉略乎列聖相承。雖羽書時告。而鐘鼓式靈。烽火偶傳。而干楨俱謐。卽悍如火。飾長昂桀如也。先俺答始則磨牙。終焉弭耳。顧日者北門之管。偶疎而光祿之塞。遂毀致虜粟鳴於易水。而熇蠹穢夫盧龍。幸賴皇上神靈威武所變化。敵愾

用奮信臣精兵。驅而投諸沙漠之外哉。

破胆篇

自嘗論之京師最急。宣大次之。而遼東陝西又次之。何者。去京有遠近也。夫京師急。則大寧內徙。三衛盤

據。所宜速講。宣大次。則獨石

獨石京浚延慶州以北

孤懸豐勝

淪沒。亦宜速講。講大寧。則宣府無阻。而遼東右臂伸。講豐勝。則山陝有應。而其肅左臂伸。此立國宏規。保安上畫也。

永樂宣德之間。但知兀良哈誠款。

靖難初兀良哈部落內附。有功。遂以



大寧全地封之。曰朶顏。曰大寧。曰福餘。三衛是也。今則屢犯。而京師肩臂從此單薄矣。惜哉。開平

艱遠。豐勝丁口不立。其棄不惜。其往事之恨乎。

自變論之。則大寧不可復。京後之重垣。宜設宣遼不

可合。花當朶顏之交。搆宜防。花當朶顏皆北狄也。開平東勝淪

沒。宣大士馬不可一日忘戰。成化弘治間。但知火篩

北虜名通責。山海征商。宣大鑿塹築臺。京後之防不為

早籌。又非往事之恨乎。皇明奏疏

國初藉開創之威。東斥大寧。西關豐勝。豐城俱在編頭關北無

難也。繼藉生養之富。大垣京後。盛兵宣大。無難也。因

循偷玩。釁孽乃生。虜犯太原。今山西省會是始增忻代澤潞

之兵。忻代二州屬太原府。潞安府澤州俱山西乘寧雁之塞。虜犯洪蔚廣

昌。皆屬山西大同則城宣府之塞。弛東北之防。夫阻太原之

虜。在力戰于大同偏頭之間。恤洪蔚之擾。當不怠潮

河川。黃花鎮之防。潮河川黃花鎮俱在京師東北要地增忻代澤潞之

兵。則度支悉弛。東北之防。則畿輔震。邇來督臣動費

經營。剗肉終難補痛。剗膚切近。而偷玩猶故。嗟夫。白

幾可收  
三卷  
燕京形勝  
二十  
親土



亦在前。不顧流矢者誰也。明哲獨患未然。預防薪燃  
川決。何今日徒悉力宣大。遂置京後。於不講。輕重緩  
急。失權多多矣。時務要錄

恢復燕京末議

鄭大郁

愚謂自有東事以來。甲兵頓。士民病。器用耗。詘  
海內蕭然。策戰戰不效。策守守不效。策撫與勦  
又兩不效。今日之弊。駸駸弱宋之季矣。我

國家害患。肇始惟奴。一旦難生。以至虜挿得乘中  
國之急。坐邀厚利。一也。安奢窺隙。蠢動何減分  
耗

國家數年之兵力。二也。鴻飛蒲澤。狼子成林。秦晉



楚豫之間弄兵烽聚者不可勝數三也荒徼海隅物已揚波內地逆鱗益思鼓浪此騷然震動於閩粵江浙之間者四也四者之害絲官邪也頃自逆羽射

天中原板蕩三綱淪九法斃千秋冠履之義幾廢絕殆盡矣嗟嗟當此飲血枕戈之日誰非茹土食毛之士而且甘心附賊塗面受官爭品爭缺毫不知廉恥爲何物貪人敗類當嚴加籍沒投畀以快天人上下之大忿矣夫然後亟襄固守議兵議餉與夫議選練徵調援急之圖是皆不能一刻稍緩於此時者當事其無遠謀以處此今燕京旋復旋失寇去虜入吳西平實釀成之矣如其非然則必有意意外之圖或可爲陽順陰逆俟機以報

朝廷則可耳不然寧不深負

朝廷隆養士之意者乎昔劉豫臣事醜虜終爲虜



愚異日豺狼無厭之求。焉知不加之如劉豫者哉。夫虜不過我。

祖宗豢養之狗馬耳。二十載控旌。一朝狂吠。舉國不聞。斬使焚書之義聲。皆因司馬言事小。巡撫言速和。三軍之衆。已不勝解體而喪氣矣。爲今日計。莫如大作氣以振人心。隆賞格以鼓忠義。然後大申。

功令高懸賞格。進忠讜之士。用老成之謀。

君臣痛憤。誓不與虜俱生。驅馬揮徐鳳之旅。同舟麾淮河之師。則舉國觀望。僥倖之心。都盡。率土同仇。三軍之氣自張。以戰必勝。以守必固。何至一講再講。招侮召釁。氣息奄奄。坐而待斃乎。試以是而議守。議戰。議撫。剿且議恢復。有如不效。請坐郁安。憚無知。以爲過計。杞憂者之戒。



擬勳臣吳三桂末議

鄭大郁

愚聞甲申燕都之變。髮樹心燃者。千廻恨不能請纓誓矢。雪此不共戴天之憤。徒有厲志需時。屢憂國步。今先帝賓天。六官掃地。此乾坤何等時也。古來主辱臣死。寧可與異類俱生。嗟夫。世道至此。如吳勳臣者。其何策以全身名於百代乎。勉旃。忠報有。如末議。

甲申春王三月。逆闖李自誠率賊擁逼

帝畿。三輔鼎沸。鍾簾為之改觀。

九廟為之震蕩。蒼生兆庶。茹血裂肝。士紳勳戚。有生



必死。西平伯吳三桂結虜復仇，逆賊闖於關大破之，追奔逐北，直抵幽冀，闖遁秦雍，虜遂入據。國變至是，雖恢復之巨勲炳燦，而虜入滋蔓寔多。咎將焉諉耶？今

新天子嘉其忠憤。

特恩進爵薊國公，非不隆且厚矣。今日試問據我幽燕者虜耶？抑吳耶？若謂吳守，何以

天朝赤子，率聽其荼毒莫制，是中國而夷狄矣。謂虜據則不性無厭，必不能與共有此土也。將見劉豫勢成，殷鑒亦將不遠。邇來言和言割，衆議紛紛，欲以榆關爲限，似亦得策。吾恐虜貪終不在此已也。噫，爲臣子欲清

天步，懸河注火，有何不戒。奚至請救夷狄，以示弱於殊類哉。說者曰：

都門失守，賊勢鴟張。吳督臣結虜恢復一策，可謂忠且智焉。夫竭力報



國。吳督臣之忠蓋昭昭矣。於智似有未竟者。夫智者神於幾者也。易曰知幾其神乎。又曰君子見幾而作。繇此觀之。吳既能致之使來。何不能麾之使去。如謂明其來必不去。則當先爲善後以圖之。奚至冠裳禮義之邦。一旦翻作無知之俗。吳勲臣於今日能不始終報

國。且以全忠全智流馨名於千載者乎。昔岳武穆有言。金人立劉豫。蓋欲荼毒中原。以中國而攻

中國。粘罕因得休兵觀釁。愚謂今虜之戀吳。得無類是歟。爲今日計。莫若遣將提師。分爲五路並進。中須選任大帥一員。統兵直趨京雒。據汴梁。障潼關。以號召五路守將。復遣劉東平從登萊。以攻其左。屯兵濟兗。以示控扼。高興平從河間。真保以窺其南。黃靖南。劉廣昌。移屯河北。示以必滅之勢。左寧南。留屯荆襄。以壯聲援。

王師旣進。吳帥義必反旗襲虜。爲內應外合之謀。外



內夾攻軍容自壯。幽燕晉冀。可以盡復。然後分兵經略秦川。則闖獻可擒。北虜可驅。

社稷長安之計。端在此舉。不然。謀不出此。貽患日深。如吳勳臣者。吾不知其何爲善後之策矣。言忠言智。千載下寧能脫董狐之筆哉。噫。

鄭十師先生批

援劉豫以爲斷。立言似近於激。然跽伏草間。有  
此一片忠肝義膽。豈宜束之以不當言之咎耶。  
不然。丁此時而徒以箝默謝當事。有何難哉。願  
同志英雄。監起堅忍力量。庶非常之功。亦相與  
有成耳。

畿甸攷經國雄略卷之三終



畿甸攷經國雄畧卷之四

溫陵 鄭大郁孟周 編訂

南安 楊朝嘉合甫 叅閱

畿甸攷

京營

愚謂王者居重馭輕輦轂之下必宿重兵夫所謂重兵者非第以衆重以法重也法故部伍嚴兵將得而行無離局之旅法故器用利卒服習而士無不精之技法故臂指聯官府一而勢無掣肘之虞周廬可嚴干城可北居可建威銷萌動可張皇捷伐故足重也管子



日不法法則事無常法不法則令不行兵失其重則法不法也法而不法則權不一也權而不一則人不得也今天下無法不壞無權不輕無人不玩矣孰意以

國之利器而敝乃尤甚哉所賴我

皇上神武天縱宵旰時勤明見萬里之外樞臣雄才大畧足稱任使鑑前必後

神謨必有一番勝筭者郁謹輯京管兵制之議于後廣備採擇用佐

廟謨之萬一云

地中有水師君子以容民畜衆

易師象

嘗觀周禮司馬掌兵者也而言掌邦政何也貞之謂也九伐之法所以正天下之不正也兵爲毒故未嘗

明示民以用武也軍將藏於六卿弗謂軍將以軍伍而會

於教官之司徒以軍禮而掌於禮官之大宗伯以軍

禁而徇於刑官之士師此正寓兵之意况四時有田

則教兵不爲不先六卿皆將則畜將不爲不預何侍

刻畫兵號而明示以毒天下之具哉唐人府兵似得

井田之意然井田寓兵于農而兵有定額將有定員

宜將驕卒惰之爲患與

天生五材民竝用之廢一不可誰能去兵兵之設久



矣。所以威不軌而昭文德也。聖人以興亂人以廢廢興存亡昏明之術皆兵之繇也。左傳

以教坐作進退疾徐疏數之節。遂以蒐田。有司表貉。誓民鼓遂圍。禁火幣。獻禽以祭社。中夏教芟舍。遂以苗田。如蒐之法。車幣獻禽以享祔。中秋教治兵。如振旅之陣。遂以獮田。如蒐田之法。羅幣致禽以祀祔。中秋教大閱。遂以狩田。徒幣致禽。饁獸于郊。入獻禽以

享烝

周禮夏官

自古及今。有一國當一邊。一州當一道者。祿賞自足。未聞取備於內也。秦漢之際。一燕一代。自當匈奴。此無他。兵精而無冗食也。時使而不文成也。巖險其壘。而不多留兵也。通其互市。以致州粟也。多置屯田。以息邊餉也。廣募土人。以減禁旅也。寇不至。則吾戒疆吏毋輕犯。以致敵也。寇既來。則吾飭守將不與其幸。勝也。寇將退。則吾度其盛衰。雖空壘以襲之。可也。事既寧。則吾計曲直。雖益兵而報之。亦可也。凡此者。雖



非先王之法不猶愈於今日之弊哉宋呂大忠奏略

古者兵出於農故三時耕稼一時閱武其於四時蒐

田則又率之從事然則農之用力于兵以少言之歲

當兩月計其大槩則今之專力之兵一當古之兼農

之兵六先王之制天子六軍大國三軍次國二軍小

國一軍軍外二千有五百人其餘夫以為羨卒周有

天下諸侯之國十有八百以中數卒之通有兵二萬

五千為兵四千五百萬而羨卒未在其數以今之兵

一當其六今有兵百萬為八十倍少于古以形跡言

之其專力兼農之勢固異以多少言之其用人之力

費人之財今可謂省矣古者兵出於農故干戈車乘

馬牛亦皆取具而國無預焉此今之兵又於民為便

者也計今之事竊謂西北之宜當擇將率東南之備

當益戍兵者太祖之世其捍北狄則用李漢超等禦

太原則用郭進等率不過五六千人皆責之以自守

其地今士之精銳兵之工巧無以復加矣在乎得人



屬之統督之寄而已。故臣以謂西北之宜當擇將率，  
右者百里之地，爲千乘之國，有兵三萬七千五百人。  
今州小者，非特百里而已。士徒之衆，雖不必盡如古  
制。然今東南之隅，地方萬里，諸路之兵，各不過數千。  
其於防暹，嘗患不足。萬一有追胥討捕之事，理必乏  
人。計今之宜，稍增兵屯，使緩急足用，以稍姦萌。臣故  
謂東南之備，當益戍兵。曾鞏奏略

周人因井田而出軍賦，因鄉士而命軍將，選將有時，練習

有節，兵無坐食之費，民無久戍之勞，制之極善者也。齊  
作內政而寓軍令，晉作州兵而置三行，魯作兵甲以  
盡民力，魏用武卒以殫民命。至于秦人兵令益酷，商  
鞅變法，專尚軍功，故其銳士獨強于天下。漢室無計  
口授田之法，故賦民以丁，而不以田。二十三爲正卒，  
五十六爲退卒，郡國有材官騎士之制，京師有南北  
軍之屯，有事以羽檄召材官騎士備軍旅，而南北二  
軍不出。又南北軍皆郡國番上，無定在之兵也。自武



帝置八較尉大抵以習知胡越人充之則募兵如此  
期門羽林皆世爲之則長從始此蓋自是有養兵之  
病而京師之兵制壞矣唐有天下其法益備凡建府  
六百餘所而關中居其半於是有折衝果毅之目而  
府之置兵有三等衛之領兵有多寡番休有時征調  
有法二十而爲兵六十而免行兵則甲冑自備裝糧  
自備無養兵之費也罷兵則將歸於朝兵散于野無  
握兵之重也此其法制尤爲近古則天以後府兵寢

墮衛士亾匿張詠始募長從兵謂之彊騎六軍皆市  
人而方鎮之勢盛矣鎮兵旣盛天子亦增置禁軍於  
京師以自衛而神策專以宦官掌之於是南衛日輕  
北衙日重而大勢去矣宋革五代之弊收天下勁兵  
列營京畿以備藩衛諸鎮之兵亦皆戍更制兵之額  
有四宿衛備戰者曰禁兵服役諸州者曰廂兵士民  
團練者曰鄉兵諸部內屬曰蕃兵兵符出于密院兵  
衆統於三衛其制亦善矣厥後或刺義勇或募強壯



州縣疲於養兵而國勢終於不振毋乃諸虜撒備之  
過乎。

國初設錦衣等十二衛以衛宮禁卽漢之南軍也設  
留守等四十八衛以衛京城卽漢之北軍也止十二  
衛爲親軍番上宿衛無所隸屬而京城之衛分屬五  
軍都督府遇有征行謂調發之事已則將歸于府軍  
歸于營卽唐府兵之遺意也外設都指揮使司列于  
各省并要害之處凡十六司而爲行都司者四督府  
握兵藉而不與調發兵部調發而不治事宋人禁府  
之遺意也。

成祖建都燕京仍立五府增此十二衛設五軍神機  
三千等營又以河南山東中都太寧四都司官軍輪  
聚京城歲按月練故當時衛皆精兵兵皆可用厥後  
承平日久法寢以衰。

正統巳巳之變虜騎衝突于忠肅因兵政變弛乃立  
十團營挑選各營之驍勇者充之其老弱不堪戰者



退還原營。謂之老家。

天順初年罷之。三年復置。七年又罷之。

成化初年復置。後增爲十二營。凡有征調。則十二營

之兵以次啓行。謂之老家者。乃爲宿衛守衛之用也。

其制亦可謂備矣。

事蹟考

### 歷代兵制攷

昔成周之兵。王國大國。小國異其制。六軍三軍。二軍。明其等。尊王畿而臨萬國也。官伯官正。領於冢宰。庶賁旅賁。領於夏官。司隸五隸。領於秋官。慎贊御而通官府。何也。其盛也。後轉予于恤。爪士與嗟。三行五帥。尾大不掉。而周衰矣。

周制兵籍于大司徒。征行則屬之大司馬。士不待遷。皆吾民。將不改置。卽吾吏。居聯其家。而爲比閭族黨。



出聯其衆以爲卒旅師軍千里之畿共六十四萬井  
爲五百一十二萬家周制萬二千五百人爲軍王者  
三軍是七家而賦一丘七征而後一徧此周之制也  
而齊內政晉州兵魏武卒秦銳士舉不越此

制考

成周兵

春秋以前八百國畫疆而守強大相役非計田授賦  
不可至於罷侯置守儼然有鎖鋒鑄簾之規田墜之  
民不知兵無惟其舍鄉遂而別問師于也故封建井

田丘乘是三者相因而崇替亦與之俱孝公設令丞  
而開阡陌業已狹小軒轅姬周之法度非待取兵器  
咸陽也故曰世變使然也

春秋以兵制攷

漢倣虎賁而制南軍倣卒兩而制北軍兩軍皆調於  
農宥有古意建武稍有變更而南北軍如故也後羽  
林諸軍補以錢穀西園八校領於黃門而漢衰矣

漢京師有南北軍之屯而材官布於郡國南軍以罷  
國民始傳者克天子嘗幸曲臺臨饗勸勞之以農桑



北軍等諸畿輔。番上與南軍等。皆取諸田畝之人也。漢時制兵。南軍衛宮。衛尉主之。北軍護京。中尉主之。南軍有郎。衛兵衛之。別如三署諸郎。羽林期門。皆郎行也。如衛士令丞。諸屯衛侯。皆兵衛也。北軍有調兵募兵之分。如三輔兵卒。則是調兵而衛。如八較胡騎。則是募兵而衛。且民年二十三爲正。一歲爲衛士。二歲爲材官。騎士習射。御馳戰陳。年六十乃免爲庶民。就田里。其更有三品。有卒。更有踐更。有過更。郡縣無

嘗屯之。兵容畜寓井田之意。臨事以虎符調發。事已則各散都鄙。未嘗聚也。自武帝增中尉募胡越騎。而北軍始有招募。復恐中尉之權太重。置羽林期門爲宿衛。而南軍始有長從。至光武則一切倚重京師。廣屯布戍。置塢列營。繇建武底光。和楊璇捕馘于蒼梧。梁瑾奮略于西域。靡不遣自五營。然虎賁之選。哀于鐘粟。象林之寇。推厥瓜牙。黃巾起而入都之仇健。適同象人而木兵矣。此漢之制也。而魏渦淮之戎卒。



晉湘沆之飛軍舉不越此。

漢兵制攷

唐以禁兵爲壯衛給以涇北腴田諸衛軍爲南衙番上宿衛其制最善後折衝府無兵可交兵又市傭至不能受甲而唐哀矣。

唐十六衛分署府兵非州刺史合符不得發閒居安田里折衝以其隙教之陣有發則至期地而集亦未嘗有以民養兵之費也。

有漢之強而卒致宋之弱者唐是也。唐有天下二百餘年兵之大勢凡三變其始盛時有府兵府兵起自西魏後周而備于隋唐興因之武德初始置軍府領以驃騎車騎兩將軍折關中爲十二道道皆置府後更以道爲軍軍置將貞觀中總置折衝府凡天下十道府六百三十四而關內二百六十有一有事則戎臣提兵居外無事則散兵居內三時耕稼一時治武籍藏將府伍散田畝刀解勢孤人人自愛及其居外緣部之兵被檄乃來斧鉞在前賞罰在後飄暴交猝。



豈暇異圖。雖有蚩尤爲將，不可使亂嗣聖時。天下久不用兵，番役更代多，不以時。衛士稍稍亡匿，張說請募士宿衛，一變而爲曠騎，姑息行于藩國，再變而爲鎮兵。及其末年，天子亦自置兵曰禁軍，雖鄴侯有復舊之議，牧之有罪言之書，惡識河中平，而府兵終若空中之塵，飛而不可見，穴中之蟻，鬪而不可聞也。此唐之制也，而朱邪之橫衝都，石晉之逆風，戰舉不越

此。唐兵制攷

宋之得天下也，與漢唐異。其西北阻邊，而內屬羌夷，各有部落，不得不爲番兵以限之。毋論矣。習見藩鎮跋扈，故隆上軍班直之等，收天下勁兵，列營京畿，然自班直而外，皆分營州部，就糧者耳。廂兵旣簡，隸禁衛，而未嘗升遠州鎮，鄉兵則團結土著而役者，有嘗廩橫賜。宋之兵制，吾未見其不詳且明也。慶曆西師不耕而食者，十百萬在廷，計智之士以爲憂，則又禁廂驕怠之過，而非其鄉役之罪也。韓魏公當國，主僉



義勇保無慶曆保捷之擾再傳用爲保甲不過變其  
本而加厲廣其禁而加密遂有掉臂不顧者魏公以  
其法爲救懲於禁兵之糜費難蚤暮支故其對司馬  
光曰有吾在無憂也害不十不更業士兵之行未有  
損而安石好以其新法變亂人意又奉行者煩碎苛  
辨而不可與經遠司馬光欲量州縣戶口置弓手卽  
保甲中間擢高強武力則亦未嘗盡廢保甲而別議  
也因宋兵之劣弱不可用遂歸咎藝祖作法之涼爲  
失論矣聞之宋之皇城司有殿前司皆簡諸州練士  
號爲精銳復創行保甲軍營變爲苑禦行丐募爲戎  
行而宋亡矣

以前代之兵制言之無漢之強而有唐之弱者宋是  
也宋之兵亦有三衛兵以守京師備征伐曰禁軍鎮  
兵以分給後使曰廂軍選于戶籍或應募團結訓練  
所在防守曰鄉兵而番兵之籍塞下者一律以鄉兵  
之律乾德間植營京畿以備宿衛分班屯戍以捍邊



圍咸平以後武備非復其舊慶曆之世招刺太多矣  
將驕士胸熙寧更法聯比保甲而致潰糜崇寧禡結  
增額日廣而已精銳建炎以萑苻充挫抵紹定假烏  
合作干城終不能效林民三戶以亾秦少康一旅以  
中興矣此宋之制也而完顏松嶺之師蒙古蠻焚之  
騎又曷足稱焉

南宋兵制攷

元始中發中尉擊南越發羽林飲飛擊羗而京兵始  
出孝武恢武功增置八較又置期門羽林召募與更

調騷然世祖移兵屯戍內益孤虛中元間置西園八  
較尉而內兵之勢漸分其後召邊郡以清肘腋而漢  
事遂有難言者至今歷覽徃牒嘆漢高之創制誠宏  
遠也

元兵制攷

蘇軾曰兵有三弊漢兵雖不知農而無聚食之弊唐  
兵雖聚而無無事而食之弊宋兵則有漢唐之患而  
無漢唐之利蓋兼受其弊也

章氏曰古者畿內之兵不出所以重內也卽有四方



之後則用諸侯兵耳。或遣上公師王賦亦不過元戎十乘以先啓行而已。而調兵諸侯亦各從其方之便。高宗伐楚蓋哀荆旅。武王克商實用西土。至于征徐以魯追貊以韓討淮夷以江漢備見於經可考。平王戍申以遠見刺當是時周都維矣。繇維戍申許毋乃未甚遠者周人已不能堪况後世有勞師萬里者哉。齊威東討陳濤惟及江黃北伐山戎亦因燕衆蓋猶有節制者自晉文城濮之後以秦師從諸侯之後惟黨是與無復先王之舊矣。

群書備考



大明兵制攷

國初設錦衣等十二衛以衛宮禁設留守等四十八衛以衛都城而分隸於五軍都督府呼吸聯而控馭便。聖慮淵然深矣。文皇帝仍立五府設三大營以分練之時統帥者皆戡亂之虎臣而隸籍者亦習戰之猛士宜其內壯維垣而外撻四夷也嗣是兵革久息營制屢更于忠肅議設團營或罷或復或為十二營或汰為老營或合一大帥或分六提督或建為



兩官廳或設爲備兵雖分合互異而二百餘年法令昭然無漢世跳梁之患者蓋以漢京衛之制其數日減我朝京衛之制其數漸增故軍實長充而軍容丕振也邇者別設勇衛一營多以雄邊子弟及夷漢丁充之與京營不相統攝京營爲守勇衛爲征虜至以蠻夷禦蠻夷虜不至以蠻夷衛中國蓋旣以羈縻消其桀驁之氣復以厚賚鼓其効忠之心則於目前要著一代兵制未爲不盡善也然愚謂此皆大畧耳

不得其人而治之一法有一法之弊得其人而治之一法有一法之用保邦制治全在振作何如耳自我高皇帝奠鼎金陵稽古立法設府五衛四十八文皇帝移都北平損益憲祖仍立五府新增七十有二設五軍神機三千大營及錦衣十二衛又列都司于各行省要害之處凡十有六雖創制自顯庸也而事則多師乎古如督戎之樞金吾之鑰以衛宮禁卽漢之南軍也累所而成衛累衛而成營以捍京城卽漢



之北軍也。督府握兵籍而不與調發。兵部與調發而不卽戎事。卽唐之府兵。宋之密院三衛也。若夫京營之分合。洪武初。析翼府中軍。及左右哨。左右掖。立五軍營。永樂初。以旗寶麾下胡騎。立三千營。後征交趾。得神鎗火箭之法。立神機營。共十二萬人。是爲三大營。已巳變。分立十營。團操曰團營。英廟仍還爲三營。八年。復置。成化初。復罷。三年。復置。分十二團營。其老幼不堪戰陣者曰老家。嘉靖中。復祖制三大

營。而更三千曰神機。蠲汰冗卒。統以戎帥。佐以文臣。區畫精詳。可稱度越千古矣。神廟初。雖躬行大閱。其制亦未少變焉。此京營沿革之大略也。今卽置邊腹而論京師。兵非不多矣。議者更於京營之外。別置勇衛。以供調追。豈十二萬之奮擊。僅堪坐衽席。執尊俎乎。虺九首而認爲異體。蹙與蝥蝥而認爲一身。昧於形矣。竊謂競得失於分合。不若返而究虛實之庶算。堅脆之故也。躡屣而自視爲高。重裘而自貌爲臍。



誇於虛矣。竊謂壯聲靈於虛數，不若還而清現在之  
兵。稽已然之籍也。約其窳弊，則惟有循名責實之典。  
在彼五府曰帥營，果克彌長城，握勝算否？錦衣曰將  
軍營，果克守王閑，備王官否？四十八衛曰畱守營，果  
克立功萬里，誓師城下否？團營曰奮武敢勇，立威等  
營，果克戰殲敵三，鑿號戎否？若彼勇衛又超數營而  
呼選鋒者，果克四國是定，三輔維垣否？京營至今日  
壞極矣。

國初之設京營，志強本也。爲衛七十有四，分爲三大  
營。曰神機，曰三千，曰五軍，帶甲控弦四十餘萬。  
成祖三犁虜庭，京營爲本，而山東、山西、河南、陝西、遼  
東五都司兵寔附之。

正統駕征野先，官軍私屬猶五十萬。土木變後

土木  
關名

拔之，僅得十萬。於是有團營之名。京營之耗自此始。  
嘉靖時虜薄城下，團營兵少，拔之，僅得三萬。於是乎  
有東西二廳之名。京營之耗自此甚。



隆萬五六十年西北藉款虜無大患將不知兵士無  
戰責中涓戚畹良家纂名尺藉而買閑債代又甚三  
旦有急雖欲拔萬人以當一陣不可得故曰京營至  
今日而壞極矣

萬遠堂時務要錄

京營之法莫善于

祖制祖制中軍左掖右掖左哨右哨爲五軍而此外  
立三千神機二營五軍爲正三千神機爲奇則大營  
之法可做也有營法不可無伍法五人爲伍一人居

中制令而四應之四人死中一人不得獨生繇五五  
二十五爲一隊而最中一人令其四面如故五其隊  
而爲一百二十五人爲陣左右前後相應而聽于中  
如故倍而爲二百五十五人爲營半爲正半爲奇互  
相犄角五其營而爲二千五百人爲師法如故五其  
師而爲萬二千五百人爲軍法又如故法立而後陣  
可定也陣定而後戰可勝也

萬遠堂藁

高皇帝定鼎金陵分布列衛獨置京師衛四十有八



初置京營。隸元帥府。已改五軍營。隸都督府。督戎。隸兵籍。而不與調發。兵部得調發。而不與征討。防微之意。至深遠矣。

文皇帝卜都北平。置七十二衛。如南五軍之舊營。兼馬步隊。而調中都。山左。河南。太寧軍。番上。京師。肆之。是爲班軍之始。已。又置三千營。管分五司。掌執有大駕龍旂寶纛諸事。已。又征交趾。得神機火箭之法。置神機營。有中軍左右掖哨。如五軍。已。又得潭家馬復。

置隊軍。並肆神機。居嘗則五軍。肆營陣。三千肆。巡哨。神機。肆槍手。是爲班操者。又十六萬人。此外仍有四衛。以供馬役。有緹騎十司。以掌鹵簿。有親軍。以克宿衛。有兵馬。以譏姦宄。而京軍支分之制定。其省會邊。鎮之兵。鎮有九。原額主客官兵。通計五十四萬有奇。省十有三。轄衛二百二十有六。領所千三百二十有六。原額伍籍。通計八十三萬有奇。滇黔諸土司。不在焉。而外軍支分之制定。大約在京之兵。全給衣廩。備。



操練在邊之兵操三而屯七省會之兵三時耕而一時講武營衛無不練之將將領無不練之兵所以兵休而不驕兵動而不困此則我朝軍政之善者也  
已卯廣東策程

### 京營屬衛攷錄

#### 萬全都指揮使司

在宣府領衛一十有五所七十六儒學萬全左寺衛草場萬全右寺衛艸場鷄鳴山艸場武溝堡草場宣府在城草場赤城寺處艸場懷來城草場懷安寺處草場永寧等處草場懷安保安右衛儒學衛羨谷守千戶所儒學古冀州之域星尾分墅日燕名上谷形勝望京都控沙漠扼居庸擁雲中風俗鷲悍而民又樂戰長城延亘萬餘里赤城其古蹟也山有翠屏獨石川有洋河水溝及溝河皆是也

欽差總督宣大軍務巡撫都御史一駐宣府



欽差巡按監察御史一  
管糧郎中一  
分巡道一

欽差協理宣大等處地方總兵一

本衛屬管等所及堡城

宣府左  
宣府右  
宣府前  
萬全左  
宣德縣

長安  
順聖代龍  
雲州  
望云  
四海治  
長寧關

弘州  
保陽縣  
萬全右  
德勝  
鵬鶚  
豐窠  
順聖安容軍

懷安  
夷與  
興和  
赤城  
雲門  
洗馬林  
保安

葛馬林  
開平  
舊在元上都宣德五年始移出外境  
龍門  
宣馬縣

龍門  
雲州  
馬營  
貓兒

### 五軍都督府

國初設五軍都督府錦衣等一十三衛親軍天下都指揮司凡一十有六而為行都司者五其所設軍士皆有定數兵皆土著將皆朝除上有易制之權下無代襲之患兵政有統矣至永樂間增七十二衛設五軍神机三千三大營以河南山東中都太寧四都司官軍輪聚京城歲較月練

### 中軍都督府

留守中衛  
神策  
和陽  
應天

畿河攷  
四卷  
京營  
見上



左軍都督府

留守左衛

潘陽左

驍騎

潘陽右

鎮南

龍虎

右軍都督府

留守右衛

龍賁

武德

前軍都督府

留守前衛

龍驤

豹韜

後軍都督府

留守後衛

武德中

武德前

神武左

神武右

忠義後

義勇

大寧中衛

蔚州左

會州

富峪

大寧前衛

親軍指揮使司

按京營親軍衛凡三十有九屬所二百五十守禦千戶所一

錦衣衛

旗手

府軍

府軍前

府軍後



府軍左 府軍右 羽林左 羽林右

羽林前 金吾左 金吾右 金吾前

金吾後 虎賁右 燕山左 燕山右

燕山前 羽林後 大興左 濟川

濟川衛

武驤左 武驤右 騰驤左 騰驤右

彭城 永清左 永清右 武功左

武功右 武功中

長陵衛 獻陵衛 景陵衛 裕陵衛

茂陵衛 康陵衛 皇陵衛

京營見操弁外衛馬步官軍共壹十一萬七千二百餘員名。巡捕官軍計五千二百餘員名。



處置京營未議

蔡

愚謂邇來遼薊逼奴而宣雲苦插奴出喜降插  
繇古北皆可數日抵

京畿餓卒段馬邊鎮一無足恃而京營復爾言之  
寒心思謂欲脩備無如練京營以京營其本也  
本茂而後末可榮也使京營有十萬精銳遼薊

宣雲稍有疎虞頃刻可以馳援又何俟吳楚聞

粵萬里徵調之勞哉

已巳奴入邊腹召援吳楚  
聞粵之兵奴退方至秦晉



逃卒散於流賊大或曰京營所以為守也夫兵禍遂至今日痛夫

固未有不能戰而可以守者正統己巳虜逼

京師石亨營于城北綺鏗營于城西而都督王通

鴻臚卿楊善為城守今能為此乎不能此則平

原任其馳突援兵未易且至保能為守乎

後奴入畿

旬殘破蹂躪愚又曰今日京營之練斷斷乎不

可緩也

大明兵制利病未議

王介菴

愚謂秦漢以來鮮不以兵嗟夫兵之重也寧獨

秦漢以來然哉顧兵制之設易壞而難脩我

國家二百七十年來京師備肘腋之虞強臣無專

利之患其盛也南剿北伐其弊也尺籍空虛此

皆因循耗蠹之驗也

明典制兵有五軍營五軍營變而為三大營三大

營又變而為團營團營又變而為政府之名始



立矣其沿革之繇盛衰之古昔未有漸况在今日而欲求抗旌揭竿射石飲羽之夫

漢李廣射石飲羽

為

國家用安從出乎此其故蓋難言也病在將領之侵奪也何以振士氣而鼓其銳病在操練之寡實也何以補行伍而奪其威竟至班操失制操戈無能不務求此猶侃侃然享此尸素臯比之榮坐以文法牽制之病愛錢惜死取羞武穠肉

食者盡見譏曹劌積習既久振刷實難一旦有意意外之虞誰與建凱旋之績誠欲改絃調瑟桑土綢繆莫如議任將而統袴子弟勿使建旗鼓而坐於將壇之上莫如議責實而蒐簡訓習勿因人言不便而遂廢格其間然又有存撫之議凡士番休至者毋苦以他役一志畢能者俾各習其務曉然知

國家所以勤訓之意而忘其不暇履之艱一有



緩急能得死力而後可也。如是則有將有兵。我  
 務稍舉而又時稽其支耗。月程其功效。使祈父  
 之謠不興。而六月之師自倍。又安在兵制之誑  
 畧哉。

畿甸攷經國雄略卷之四終



